



Broj: 04-04-4-3438/24
Sarajevo, 4. 11. 2024. godine

SAOPĆENJE ZA JAVNOST POVODOM OBJAVE PUBLIKACIJE
NAJVAŽNIJI NALAZI IZ OBLASTI JAVNIH NABAVKI U IZVJEŠTAJIMA O FINANSIJSKOJ
REVIZIJI ZA 2023. GODINU (II DIO)

Ured za reviziju institucija u FBiH sačinio je i objavio publikaciju „Najvažniji nalazi iz oblasti javnih nabavki u izvještajima o finansijskoj reviziji za 2023. godinu“ koja odražava proaktivan pristup u izvještavanju o rezultatima revizije, prevenciji korupcije i jačanju međuinstitucionalne saradnje s organima u oblasti javnih nabavki.

Nepravilnosti u javnim nabavkama bile su osnov za kvalifikacije u mišljenju o usklađenosti u 59% objavljenih revizorskih izvještaja, što je blagi porast u odnosu na prethodnu godinu. To upućuje da one i dalje zauzimaju značajno mjesto u izvještajima finansijske revizije, iako je sistem javnih nabavki uspostavljen prije dvije decenije.

U publikaciji su prezentovane 63 kvalifikacije za javne nabavke utvrđene u toku provođenja 107 finansijskih revizija za 2023. godinu. Dat je i pregled 147 preporuka koje je Ured za reviziju uputio revidiranim subjektima kako bi otklonili utvrđene nedostatke i osigurali da se javne nabavke provode u skladu sa Zakonom o javnim nabavkama i podzakonskim aktima.

Dodana vrijednost publikacije ogleda se u tome što su na jednom mjestu objedinjene informacije o najznačajnijim nepravilnostima iz oblasti javnih nabavki koje su utvrđene u toku prethodnog ciklusa finansijskih revizija. Prezentovane su preporuke koje je Ured za reviziju uputio revidiranim subjektima kako bi otklonili utvrđene nedostatke i osigurali da se javne nabavke provode u skladu sa Zakonom o javnim nabavkama i podzakonskim aktima.

Kao vrhovna revizijska institucija važan smo dio lanca odgovornosti, ali je potrebno sinergijsko djelovanje svih nadležnih institucija kako bi se osigurao integritet procesa javnih nabavki i zaštitio javni interes.

Publikaciju možete preuzeti na www.vrifbih.ba.



GENERALNI REVIZOR
Dževad Nekić